

9 2-րդ. ազ. քառասյակ

17-2-3635

Ո Ր Ո Շ ՈՒ Մ

22 06 18

Վարչական իրավախախտման գործով գանգատն առանց բավարարման, իսկ որոշումն անփոփոխ թողնելու մասին

20.06.2018թ.

ք.Երևան

Ճանապարհային ոստիկանության պետ, ոստիկանության գնդապետ Եգոր Կարապետյանս, վերանայելով Վիրաբ Մանուկյանի դիմումի շուրջ ստեղծված նյութերը,

Պ Ա Ր Զ Ե Ց Ի

2018թ. մայիսի 22-ին Աշտարակ քաղաքի Վ.Պետրոսյան փող. 42. 6բն. բնակիչ Վիրաբ Մանուկյանը դիմումով հայտնել է, որ ՃՈ տեսուչի կողմից իր նկատմամբ կայացվել է վարչական տույժ նշանակելու մասին ԱԴ թիվ 569910 որոշումը, որի համաձայն տուգանվել է 5000 ՀՀ դրամ: Քաղ.Վ.Մանուկյանը հայտնել է նաև, որ համաձայն չէ իր նկատմամբ կայացված որոշման հետ, քանի որ ավտոմոբիլը վարել է անվտանգության գոտին ամրակապված վիճակում: Դիմումատու խնդրել է վերացնել որոշումը:

Դիմումի ուսումնասիրությամբ պարզվել է, որ 27.04.2018թ. ժամը 08:40-ի սահմաններում Կոտայքի մարզի Նոր Գեղի համայնքի Ֆ.Թևոսյանի փողոցում քաղ.Վ.Մանուկյանի կողմից վարած «ՎԱԶ-21102» մակնիշի 34 AC 402 հաշվառման համարանիշի ավտոմոբիլը կանգնեցվել է Ճանապարհային ոստիկանության ՃՊԾ 2-րդ. սպայական գումարտակի 3-րդ. սպայական վաշտի Ծաղկաձորի ջոկի ավագ տեսուչ, ոստիկանության մայոր Ս.Բագրատյանի և նույն ջոկի տեսուչ, ոստիկանության կապիտան Ա.Խաչատրյանի կողմից՝ ՃԵԱԱՄՕ-ի խախտման համար, այն է՝ վարորդն ավտոմոբիլը վարել է անվտանգության գոտին չամրակապած վիճակում: Վարորդի նկատմամբ կազմվել է վարչական իրավախախտման վերաբերյալ արձանագրություն և, համաձայն ՀՀ ՎԻՎ օրենսգրքի 123.3 հոդվածի, կայացվել է ԱԴ թիվ 569910 որոշումը՝ վերջինիս 5000 դրամ տուգանելու մասին:

Դիմումում նշված հանգամանքների շուրջ պարզաբանումներ տալու նպատակով՝ քաղ.Վ.Մանուկյանը ծանուցագրի միջոցով 15.06.2018թ. հրավիրվել է Ճանապարհային ոստիկանության ՃՊԾ բաժին, սակայն չի ներկայացել:

Ըստ ծառայողների գրավոր բացատրությունների՝ Կոտայքի մարզի Նոր Գեղի համայնքի Ֆ.Թևոսյանի փողոցում նկատել են, որ «ՎԱԶ-21102» մակնիշի 34 AC 402 հաշվառման համարանիշի ավտոմոբիլի վարորդն երթևեկում է անվտանգության գոտին չամրակապած վիճակում: Սահմանված կարգով կանգնեցնելուց հետո տեսուչ Ա.Խաչատրյանը մոտեցել է վարորդին, ներկայացել, հայտնել է կանգնեցման պատճառը և պահանջել փաստաթղթերը: Քաղ.Վ.Մանուկյանի նկատմամբ կազմվել է վարչական իրավախախտման վերաբերյալ

արձանագրություն, որից հետո վերջինս հրաժարվել է բացատրություն տալուց, ստորագրելուց և որոշման իր օրինակը ստանալուց: Տեսուչները հայտնել են նաև, որ իրավախախտումն եղել է ակնհայտ, պարզ տեսանելի, անմիջապես իրենց տեսադաշտում, որն էլ սահմանված կարգով արձանագրվել է:

Համաձայն «Ճանապարհային երթևեկության անվտանգության ապահովման մասին» ՀՀ օրենքի 17-րդ հոդվածի՝ Ճանապարհային ոստիկանության ծառայողը պարտավոր է տրանսպորտային միջոցը կանգնեցնել, եթե ակնհայտ կամ տեխնիկական միջոցների օգտագործմամբ երևում է, որ վարորդը խախտել է ճանապարհային երթևեկության կանոնների պահանջները: Նույն հոդվածի 8-րդ մասի համաձայն՝ երթևեկության սահմանված արագության գերազանցման և տրանսպորտային միջոցների ապակիների լուսաթափանցելիության սահմանված չափի խախտումների համար պատասխանատվություն է առաջացնում, երբ տվյալ խախտումը փաստարկված է համապատասխան տեխնիկական միջոցների կիրառմամբ:

Այսպիսով, քաղ.Վ.Մանուկյանի արարքում առկա է Վարչական իրավախախտումների վերաբերյալ ՀՀ օրենսգրքի 123.3-րդ հոդվածով նախատեսված իրավախախտման զանցակազմը, ուստի, ելնելով վերոգրյալից և ղեկավարվելով Վարչական իրավախախտումների վերաբերյալ ՀՀ օրենսգրքի 293-րդ հոդվածի 1-ին մասի 1-ին կետով,

Ո Ր Ո Շ Ե Ց Ի՝

1. Վիրաբ Մանուկյանի դիմումը թողնել առանց բավարարման, իսկ Ճանապարհային ոստիկանության ՃՊԾ 2-րդ սպայական գումարտակի 3-րդ սպայական վաշտի Ծաղկաձորի ջոկի տեսուչ, ոստիկանության կապիտան Ա.Խաչատրյանի կազմած վարչական իրավախախտման արձանագրության հիման վրա 27.04.2018թ. կայացված ԱԴ թիվ 569910 որոշումը՝ Վիրաբ Մանուկյանին հինգ հազար դրամ տուգանելու մասին՝ անփոփոխ:

2. Սույն որոշման օրինակներն ուղարկել Ճանապարհային ոստիկանության ՃՊԾ 2-րդ սպայական գումարտակ և դիմումատուին:

3. Սույն որոշումը կարող է բողոքարկվել ՀՀ վարչական դատարան՝ օրենքով սահմանված կարգով և ժամկետներում:



Ե. Կարապետյան